

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05) i Odluke Vlade Federacije BiH o usvajanju Programa utroška sredstava-Poboljšavanje društveno-ekonomskog statusa pripadnika boračke populacije i očuvanje tekovina odbrambeno-oslobodilačkog rata „Tekući transferi pojedincima-Transfer za sufinansiranje troškova sahrana i dženaza pripadnika boračkih populacija“, utvrđenog Budžetom Federacije Bosne i Hercegovine za 2026. godinu, Federalnom ministarstvu za pitanja boraca i invalida odbrambeno-oslobodilačkog rata/Federalnom ministarstvu za pitanja branitelja i invalida domovinskog rata („Službene novine Federacije BiH“, broj 28/26), Federalno ministarstvo za pitanja boraca i invalida odbrambeno-oslobodilačkog rata/Federalno ministarstvo za pitanja branitelja i invalida domovinskog rata objavljuje:

### JAVNI POZIV

**za podnošenje zahtjeva za ostvarivanje prava na dodjelu sredstava iz Budžeta Federacije BiH za 2026. godinu, po Programu utroška sredstava - Poboljšavanje društveno - ekonomskog statusa pripadnika boračke populacije i očuvanje tekovina odbrambeno-oslobodilačkog rata „Tekući transferi pojedincima- Transfer za sufinansiranje troškova sahrana i dženaza pripadnika boračkih populacija za 2026 godinu“,**

#### I.

Predmet Javnog poziva je odobravanje jednokratnih novčanih pomoći za sufinansiranje troškova sahrana i dženaza pripadnika boračkih populacija iz sredstava „Tekućeg transfera pojedincima - Transfer za sufinansiranje troškova sahrana i dženaza pripadnika boračkih populacija“, utvrđenog Budžetom Federacije Bosne i Hercegovine za 2026. godinu, utvrđenih na razdjelu 32 glava 3201 – ekonomski kod 6142, Budžeta Federacije BiH za 2026. godinu („Službene novine Federacije BiH“, broj 6/26), u iznosu od 2.300.000,00 KM (slovima: dvamilionatristotinehiljada i 00/100 KM).

#### II.

Zahtjeve za sufinansiranje troškova sahrana i dženaza mogu podnijeti ratni vojni invalidi, članovi uže porodice šehida i poginulih branilaca, dobitnici ratnih priznanja i odlkovanja i članovi njihovih porodica, demobilizirani branioci za slučaj smrti članova njihove uže porodice, koji ispunjavaju kriterije iz tačke IV. ovog javnog poziva. Sredstva za sufinansiranje troškova sahrana i dženaza pripadnika boračkih populacija u 2026. godini dodjeljivat će se mjesečno, u visini odobrenih tekućih budžetskih sredstava, a na osnovu zahtjeva podnesenih u skladu sa Javnim pozivom.

#### III.

Odobrovanje sredstava iz tačke I. ovog poziva, vršit će se u skladu sa općim i posebnim kriterijima, za smrtne slučajeve iz 2026. godine, izuzetno i za smrtne slučajeve iz decembra 2025. godine.

#### IV.

Opći kriteriji za odobravanje sredstava za sufinansiranje troškova sahrana i dženaza pripadnika boračkih populacija su:

1. Da su podnosioci zahtjeva: pripadnici boračke populacije podnosioca zahtjeva ili člana njegove uže porodice, ratni vojni invalidi, članovi uže porodice šehida i poginulih branilaca, dobitnici ratnih priznanja i odlkovanja i članovi njihovih porodica, demobilizirani branioci za slučaj smrti članova njihove uže porodice, (pod članovima uže porodice se smatraju: roditelji, supružnici i djeca).

Posebni kriteriji za odobravanje sredstava za sufinansiranje troškova sahrana i dženaza pripadnika boračkih populacija su:

1. Sredstva Budžeta za 2026. godinu na poziciji „Tekući transferi pojedincima - Transfer za sufinansiranje troškova sahrana i dženaza pripadnika boračkih populacija“, mogu se koristiti za dodjelu jednokratnih novčanih pomoći svim fizičkim licima iz tačke II. Javnog poziva, ukoliko već nisu dobili pomoć po istom osnovu od drugog državnog organa ili institucije, odnosno pravnog lica.

2. Novčana pomoć za smrtni slučaj istog lica može se odobriti samo po osnovu jednog podnesenog zahtjeva. Dodjela sredstava se vrši na osnovu podnesenog pismenog zahtjeva i priloženih traženih dokumenata.

#### V.

Tačkom IV. Odluke Vlade Federacije BiH o usvajanju Programa utroška sredstava -Poboljšavanje društveno - ekonomskog statusa pripadnika boračke populacije i očuvanje tekovina odbrambeno-oslobodilačkog rata „Tekući transferi pojedincima - Transfer za sufinansiranje troškova sahrana i dženaza pripadnika boračkih populacija“, utvrđenog Budžetom Federacije BiH za 2026. godinu, propisan je iznos od 400,00 KM (slovima: četiristotine i 00/100 KM).

#### VI.

Sredstva za sufinansiranje troškova sahrana/dženaza odobravaju se putem nadležne komisije, koju imenuje federalni ministar za pitanja boraca i invalida odbrambeno-oslobodilačkog rata (u daljem tekstu: federalni ministar).

Komisija razmatra zahtjeve koji su kompletirani sa svim traženim dokumentima iz tačke VIII. Javnog poziva.

#### VII.

Zahtjevi fizičkih lica koji su, kao uposlenici državnih, federalnih, kantonalnih ili općinskih organa uprave, upravnih organizacija i drugih javnih ustanova ili preduzeća, već ostvarili pravo na novčanu pomoć po istom osnovu za troškovu sahrane/dženaze iz budžetskih sredstava, neće se uzimati u razmatranje.

Nekompletni zahtjevi neće se uzeti u razmatranje i bit će odbijeni od strane komisije. Posnosilac zahtjeva za vrijeme trajanja Javnog poziva može dostaviti novi zahtjev sa kompletnom dokumentacijom. Federalno ministarstvo za pitanja boraca i invalida odbrambeno oslobodilačkog rata/Federalno ministarstvo za pitanja branitelja domovinskog rata nema obavezu vraćati dokumentaciju dostavljenu uz zahtjev.

#### VIII.

Na zahtjevu za dodjelu pomoći za troškove sahrana i dženaza, podnosilac zahtjeva treba čitko navesti svoje lične podatke: ime i prezime, ime oca, adresu i broj kontakt telefona.

Uz zahtjev se obavezno prilažu sljedeći dokumenti:

1. Izvod iz matične knjige umrlih, original ili ovjerena kopija;
2. Uvjerenje o pripadnosti određenoj kategoriji boračke populacije podnosilac zahtjeva (kada zahtjev za pomoć podnosi u slučaju smrti člana svoje uže porodice), izdato od strane nadležnog općinskog organa za vojne evidencije (original ili ovjerena kopija);
3. Uvjerenje o pripadnosti određenoj kategoriji boračke populacije umrlog lica, kada zahtjev podnosi član uže porodice umrlog lica (original ili ovjerena kopija);
4. Potvrda da nije ostvarena novčana pomoć za troškove sahrane/dženaze po istom osnovu, izdata od strane općine (služba za branilač-invalidsku zaštitu) ili kantona;
5. Kopija kartice tekućeg računa ili ovjerena potvrda banke sa brojem tekućeg računa podnosioca zahtjeva;
6. Dokaz o statusu podnosioca zahtjeva:
  - a) Ukoliko je podnosilac zahtjeva zaposlen, potrebno je dostaviti potvrdu od firme da nije ostvarena novčana pomoć po istom osnovu;
  - b) Ukoliko je podnosilac zahtjeva nezaposlen, potrebno je dostaviti potvrdu sa biroa za zapošljavanje;

- c) Ukoliko podnosilac zahtjeva nije evidentiran na birou za zapošljavanje, potrebno je da dostavi Izjavu pod punom materijalnom i krivičnom odgovornošću da nije zaposlen i da se ne nalazi na evidenciji biroa za zapošljavanje (Izjava treba biti ovjerena u općini);
- d) Ukoliko je podnosilac zahtjeva u penziji, potrebno je da dostavi ovjerenu kopiju zadnjeg čeka penzije.

#### IX.

Obavijest o Javnom pozivu će biti objavljena u dnevnim novinama, a integralni tekst Javnog poziva na službenoj web stranice ovog Ministarstva ([www.fmbi.gov.ba](http://www.fmbi.gov.ba)).

Prijave se podnose lično na Pisarnici Federalnog ministarstva za pitanja boraca i invalida odbrambeno-oslobodilačkog rata/Federalnog ministarstva za pitanja branitelja i invalida domovinskog rata u Sarajevu, u ul. Hamdije Čemerlića br. 2 ili putem pošte na adresu:

**Federalno ministarstvo za pitanja boraca i invalida odbrambeno-oslobodilačkog rata/  
Federalno ministarstvo za pitanja branitelja i invalida domovinskog rata,  
ulica Hamdije Čemerlića br. 2, 71000 Sarajevo,**

sa naznakom:

**„Javni poziv za podnošenje zahtjeva za ostvarivanje prava na dodjelu sredstava iz Budžeta Federacije BiH za 2026. godinu, po Programu utroška sredstava- Poboljšavanje društveno-ekonomskog statusa pripadnika boračke populacije i očuvanje tekovina odbrambeno-oslobodilačkog rata „Tekući transferi pojedincima- Transfer za sufinansiranje troškova sahrana i dženaza pripadnika boračkih populacija za 2026. godinu“.**

Krajnji rok za dostavljanje prijava ističe **31.12.2026. godine**,

#### X.

Obrazac zahtjeva za sahrane i dženaze pripadnika boračkih populacija će biti objavljen na web stranici Ministarstva ([www.fmbi.gov.ba](http://www.fmbi.gov.ba)), a isti će se moći preuzeti lično u Pisarnici Ministarstva.

Podnosiocima zahtjeva kojima je odobreno pravo neće se dostavljati rješenja.

Spisak korisnika kojima je priznato pravo na dodjelu jednokratne pomoći za sufinansiranje troškova sahrana i dženaza pripadnika boračkih populacija, kao i spisak korisnika koji su odbijeni sa zahtjevom uz navođenje razloga odbijanja, bit će objavljen jednom mjesečno na web stranici Ministarstva.

**MINISTAR**  
**Nedžad Lokmić**



Broj: 01-37/3-1095/26  
Sarajevo, 21.04.2026. godine